

Tshuaj Rifampin (noj)

RIFAMPIN (rif-AM-pin) yog siv los tivthaiv thiab kho kev uas mob ntsws tuberculosis, feem ntawu los siv uake nrog rau lwm yam tshuaj uas coj los kho TB thiab. Rifampin tejzaum kuj siv coj los kho lwm yam kev mob thiab.

Qhia koj tus kws khomob, tus kws ntsuas mob, thiab tus kws muab tshuaj yog hais tias koj:

- phiv tshuaj;
- cev xeebtub lossis npaj kom cev xeebtub;
- pub niam mis;
- noj lwm yam tshuaj xwsli tshuaj noj txwv kom txhob muaj menuam thiab tshuaj noj kom ntshav nyias. Noj TSHUAJ TIVTHAIV KOM TXHOB MUAJ MENYUAM uas muaj estrogen *tejzaum* *yuav tsis ua pab* thaum uas koj tseem noj cov tshuaj Rifampin no. Nrog cov kws khomob uas paub txog kev muaj menuam txog tej tshuaj no seb puas muaj lwm cov tshuaj los siv tivthaiv kom txhob muaj taus menuam.
- noj tej tshuaj uas Yuav tom khw los xwsli tshuaj tau khaub thusa thiab tshuaj ntaus mob (Tylenol, Advil, Motrin, tshuaj thascaws)
- muaj lwm yam kev mob nkeeg xwsli kev siv cawv lossis mob siab.

Noj Yam Tshuaj No:

- Rawsli koj tus kws khomob qhia rau koj. TSIS YEEM TSUM yam tshuaj no txog txij thaum uas lawv kom koj tsum mam li tsum, tabtxawm hais tias koj twb zoo zujzus...
- Noj 1 teev uantej lossis 2 teev tom qab thaum uas koj noj mov tag. Yog yam tshuaj no ua rau koj muaj ntsis kem plab, noj nrog mentsis mov los tau.
- Rawsli niaj zaus noj xwb. Tejzaum yuav tsis tshua haum lub cev pestsawg yog

hais tias tsis noj tshuaj kom raws sijhawm.

Ceebtoom:

- Yam tshuaj no yuav ua tau rau kom cov zis, quav, qaubaug, hnoos qeev, tawm hws, thiab kuamuag kom daj tsem lossis liab tuaj.
- Yam tshuaj no tejzaum yuav TSUAS tau khaubncaws thiab iav nruab ntsiab muag (contact lenses).
- Cov tshuaj Rifampin no ua tau kom cov ntshav dawb no tsawg tuaj, thaum zoo li no yuav kis tau khaub thusa sai dua. Nws kuj ua tau rau kom cov ntshav platelets, uas yog pab kom ntshav tu poob qes thiab. YUAV TSUM XYUAM XIM HEEV rau thaum uas txhuam hniav lossis dig hniav, vim koj yuav tau khaub thusa sai dua thiab pos hniav yuav qawj tuaj. Yuav tau nug koj tus kws tshuaj-khomob thiab tus kws kho-hniav uantej uas yuav mus ua hniav.
- Txwv koj txojkev haus dej haus cawv rau lub sijhawm uas koj tseem noj cov tshuaj noj kom yav tom ntej no koj thiaj li tsis mob siab. Cawv yuav ua rau yam tshuaj no tsis ua haujlwm zoo.
- Yuav tsum noj tsis tu ncua li. Yog hais tias koj tsis nco qab noj lawm, noj thaum uas koj rov nco qab txog. Hla lub tshuaj uas koj tsis nco qab noj ntawd yog hais tias twb yuav txog lub sijhawm uas koj yuav rov qab noj tshuaj ntxiv lawm. TSIS TXHOB noj ob zaug tshuaj noj ua ke.
- Tsis txhob muab koj cov tshuaj rau lwm tus noj.
- Khaws yam tshuaj no thiab lwm yam tshuaj zoo zoo kom menuam txhob ncav cuag.
- Mus ntsib koj tus kws khomob.

- Khaws koj tej tshuaj no rau tej qho chaw uas laj laj, kom nrug deb ntawm qhov sov sov lossis no no.
- Yog koj xav hais tias koj noj cov tshuaj no ntawm tshaj hwv lawm, nug koj tus kws khomob.
- Tsis txhob tsav tsheb lossis ua tej haujlwm uas tsis zoo yog hais tias yam tshuaj no ua rau koj tsaus tsaus muag.

Soj ntsuam los ntawm Department of Pharmacy. UWH #4788.

Kev uas yuav tsis haum thaum noj yam tshuaj no:

- Rawsplab
- Mob plab

Qhia rau koj tus kws khomob kom sai sai yog hais tias koj tsis haum cov tshuaj noj thiab mob zoo li no. Cov mob zoo li no YEEJ TSIS TSHUA MUAJ LI:

- Ua npaws lossis ua daus no
- Tsaus muag
- Mob taubhau
- Ua pa nyuaj nyuaj
- Ibce tawm pob, liab liab, lossis khaus khaus
- Mob nqaij thiab mob pob txha;
- Tso zis li ntshav lossis nro nro;
- Tsis tshuas tso zis heev pestsawg lawm lossis tso tsis tau zis ntawm lawm;
- Xeevsiaab, ntuav lossis tsis qab los noj mov;
- Mob qa;
- Nqaij tawv doog yooj yim lossis los ntshav;
- Nkees nkees heev lossis tsis muaj zog;
- Qhov muag pib daj lossis tawv nqaij pib daj tuaj.